



UNIVERSITÄTS-  
BIBLIOTHEK  
PADERBORN

**Davidis Regii Prophetae Psalterivm**

**Moritz <Hessen, Landgraf>**

**Smalcaldiae, 1593**

**VD16 B 3258**

Psalmvs XVII. Exaudi Domine iusticiam, &c.

---

[urn:nbn:de:hbz:466:1-68864](https://nbn-resolving.de/urn:nbn:de:hbz:466:1-68864)

*Qui meus adiutor fuit, & meus auxiliator.  
Quamvis castigent me renes nocte, Iehouam,  
Ante oculos tamen in conspectu et semper habebo.  
Ille etenim à dextris astans mihi subuenit, omnem  
Mittit opemq; vetans mouear ne tempore in villo,  
Concipit ergo meum cor gaudia laticiamq;  
Spiritus exultat, mea gloria honore triumphat.  
Esto, citò moriar, tamen hac caro lata quiescat  
Mortua, qui etiam mea spe caro lata quiescat.  
Nec mea vita villo in tumulo aut retinebitur orco.  
Membratui neq; Joua, sines putrescere sancti.  
Tu mihi demonstras normamq; viamq; salutis,  
Tu fons laticiae es, tu plurima gaudia praestas,  
Affluit atq; bonis tua dextera lautitiisq;.*

### P S A L M V S XVII.

*Exaudi Domine iusticiam, &c.*

*phalencin*

**A**udi iusticiam, Pater Iehouah,  
Exaudi preces meas loquentes  
Tecum pectore simplece integroq;  
Et lingua nihil occulente fraudis.  
Justus, criminis huius, impii quod  
Affingunt mihi, prorsus innocentia.

*Tu ex-*

Tu exploras animam meam per omnes,  
Tempus, ceu bene purgat ignis aurum.  
At nunquam mea mens malos sequetur,  
Prauacor neq; gaudet actione,  
Verbum respiciens tuum salubre.  
Hinc vero improbo semitam latronum.  
Fac ne pestibet meus, nec unquam  
Recto à tramite lubricus recedat.  
Supplex, te pater, inuoco, Iehoua,  
Audi, mi pater alme, quid requiram.  
O spes unica, Ē arx salutis una,  
Misso presidio pios tuere,  
Ut cernat metuens sibi malignus,  
Clementi auxilio piis quod ad sis.  
Tu me absconde tuis tegens sub alis,  
Ut pupillam oculi sui tuctur  
Vnusquisq; tuum, Deus, clientem  
Defende a furiis tot impiorum,  
Quot circum dare me vides proterue.  
Hostes pelle meos manu potenti,  
Hostes insidiis pios petentes,  
Junctis viribus undiq; irruentes,  
Lingue fulmine nosq; territantes,

Cinctos

Cinctos agmine quos suo minaci  
Prorsus perdere velle glorianter,  
Qualis præda inhians leæna sœnit,  
Aut antro catulus latens leonis,  
Hi sic insidias struunt frementes,  
Quem delere student gregi piorum.  
Nunc, nunc surge, Deus potens & vltor,  
Castiga, preme, contere insolentes,  
Me defende tua machæra & ense,  
Ne vitam ferus auferat mihi hostis.  
Tu me libera, & à viris profani  
Mundi terrigenis tuere, quæso,  
Ventriss gaudia qui expetunt, caduca,  
Qui cornu bona possident feraci,  
Ad tempusq; opibus tuis fruuntur,  
Ut victim quoq; posteris relinquant.  
Verum in iusticia tuam videbo  
Cœlesti faciem beatus: Actunc  
Luce & leticia fruar perenni,  
Cum fulgebit imago gloriose  
Instaurata Dei in resuscitatis.

PSALM